



Publicaziuns dalla vischnaunca, jamna 43

Damondas da baghegiar

2018-1053.000

Datum dalla publicaziun: 26 d'october 2018

Il patrun: Christoph Fritsche Dorfstrasse 21A, 8816 Hirzel

Il representant: Christoph Fritsche Dorfstrasse 21A, 8816 Hirzel

Object: Niev indrez d'ina pumpa da calira d'aria vid la casa sin parcella 92, Via Iert 11, 7186 Segnas

2018-1038.000

Datum dalla publicaziun: 26 d'october 2018

Il patrun: Bruno Deflorin-Steger Via Clis 25, 7180 Disentis/Mustér

Il representant: Bruno Deflorin-Steger Via Clis 25, 7180 Disentis/Mustér

Object: **Midada da project**, nova garascha sin parcella 1452, Via Clis 27, 7180 Disentis/Mustér

2018-1054.000

Datum dalla publicaziun: 26 d'october 2018

Il patrun: RUI Palancaus GmbH Via Cons 5, 7180 Disentis/Mustér

Il representant: RUI Palancaus GmbH Via Cons 5, 7180 Disentis/Mustér

Object: Ulivar ina part dil terren (ca. 540 m²) sin parcella 3654 a Raveras, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damondas da baghegiar ein d'inoltrar a scret enteifer 20 dis all'instanza da baghegiar, caum postal 57, 7180 Disentis/Mustér. La protesta sto esser motivada e sutscretta dil recurrent ni da siu representant.

Disentis/Mustér, ils 24 d'october 2018

Uffeci da baghegiar Disentis/Mustér

Administraziun communal

Numnasontga

Gievgia, igl 1. da november 2018 resta l'administraziun communal serrada igl entir di.

Bien engraziament per Vossa capientscha.

Administraziun communal Disentis/Mustér

Serrada dalla via a Cavardiras (Via Sogn Antoni) Enteifer il vitg da Cavardiras

En connex cun las lavurs d'avertura per la fracziun da Cavardiras sto la via a Cavardiras (Via Sogn Antoni) vegnir serrada sil (tschancun amiez il vitg) naven dalla cruschada Via Clavau, Via Caischavedra entochen tier la baselgia da Sogn Antoni. La via sto vegnir serrada per scadin traffic naven **da gliendisdis, ils 5 da november entochen venderdis, ils 16 da november 2018**. Duront la fin d'jamna ei la via aviarta. In'untgida ei pusseivla viers Pardomat resp. enviers Mustér. Per pedunzs e velocipedists ei il passadi adina pusseivels. Per ulteriur sclariment stat il menader infrastructura, Ervin Maissen (tel. 081 920 36 45) bugen a disposiziun. Bien engraziament per Vossa capientscha.
Disentis/Mustér, ils 22 d'october 2018

Menader infrastructura, Ervin Maissen



Serrada dallas sendas da viandar Bostg, Mumpé Tujetsch e Gendusas (Caischavedra)

En connex cun las lavurs da construcziun vid la pendiculara nova Salins–Cuolm da Vi, ston las sendas da viandar (Bostg, Mumpé Tujetsch e Gendusas) vegnir serradas per immediat entochen ca. la fin november 2018. Per motivs da segirtad vegn supplicau da risguardar igl avis sco era las tablas da signalisaziun. Per ulteriur sclariment stat il meinaproject Stefan Arnold (tel. 081 920 30 40) bugen a disposiziun. Bien engraziament per Vossa capientscha.
Disentis/Mustér, ils 23 d'october 2018

Menader infrastructura, Ervin Maissen

Controlla da habitonts

Naschientscha

Kevin Oliveira Silva, naschius ils 16 d'october 2018, fegl da Sandra Filipa Gomes De Oliveira ed Adriano Roberto da Silva

TalentSchule.Surselva Infoabend

Mittwoch, 31. Oktober 2018, 19.30 Uhr im Schulhaus Ilanz, Aula

Weitere Informationen siehe Gemeinde Ilanz/Glion.

Sera d'informaziun scola da talents Surselva

Mesjamna, ils 31 d'october 2018, 19.30 ell'aula dalla casa da scola, Glion

Ulteriuras informaziuns mira vischnaunca Ilanz/Glion.

Uniun da dunnas Disentis/Mustér

Sentupada cun affons pigns e geniturs

La grupp da seruschnar/termagliar dat la caschun als affons pigns ed als geniturs da s'entupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas.

Las sentupadas duessen plinavon era far queidas als affons da visitar pli tard la grupp da termagliar Artgin che ha liug el medem local e nua ch'ils affons stattan persuls duas uras cun las menadras, e quei inaga ad jamna. Pils affons eis ei sco d'entrar ella tiara dalla cucagna cun massa novs termagls, e tut quei da cumpignia. Vegni e mirei, nus selegrein sin vossa viseta.

Proxima sentupada: **ils 30 d'october 2018**, 14.30–16.00 Liug: Casa da scola Segnas, local Artgin, ella 1.

Alzada Prender cun: marena e scalfins

Ulteriuras informaziuns e datums anfleis Vus sut www.uddm.ch

Cordialmein envida

Uniun da dunnas, ressort affons

Staziun d'anugls

Radunonza, ils 26 d'october 2018, allas 20.00 a Disla, uustria «Fravia».

La suprastonza



Controllas per apparats d'udida

Gliendisdis, ils 5 da november 2018 saveis Vus schar schubergiar e rugalar Vies apparat d'udida: 9.15–10.30 en Casa sogn Martin a Trun 11.00–11.45 en Casa sogn Giusep a Cumpadials 13.15–14.30 el Puntreis, Center da sanadad a Mustér Las firmas Amplifon cun dunna Roffler, e Jäggi cun signur Gfeller sorprendan comunablamein quei survetsch gratuit per tuts interessents. Ei drova negina annunzia.

Café Zeitlos a Mustér

Café Zeitlos – in liug da sentupada per persunas cun ina demenza, per tierparents ed interessai. In liug per passentar in suentermiezdi emperneivel, per s'informar e s'incuntrar. Ei drova negina annunzia. Il Café Zeitlos ei gratuits ed aviarts per tuts. La consumaziun surpren la PUNTREIS Center da sanadad.

Datums per 2018:

venderdis, 2 da november

venderdis, 14 da december

Dallas 14.00–16.00 en PUNTREIS Center da sanadad, Via Cons 11, 7180 Mustér. Nus selegrein da Vossa viseta!

Preavis fiera da Silvester

La fiera da Silvester ad Acletta ha liug uonn **gievgia, ils 27-12-2018**, 15.00–21.00. Tut tgi che ha tschaffen dad exponer e vender uorden, ei beinvegnius tier nossa fiera. Damondas, annunzias ed infos tier Erika Candinas, 076 376 61 77, ni erika@candinas.info

Biblioteca populara Disentis/Mustér e contuorn

«Mats ei turnaus da sias vacanzas» Kino da cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs? Mintga secund venderdis dil meins allas 14.30 legin nus avon e mussein vid ina gronda preit ils maletgs ord in cudisch da maletgs.

L'occurrenza cuoza ca. in'ura ed ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna. Nus selegrein zun fetg sin tei!

Termins:

Ils 9 da november, 14 da december 2018, 11 da schaner, 8 da fevrer, 8 da mars, 12 d'avrel, 10 da matg 2019

Cun ils pli cars salids *Mats, la miur ed il team dalla Biblioteca populara Disentis/Mustér e contuorn*

Acziun pacs da Nadal

Era uonn rimnein pacs da Nadal per persunas basegnusas dall'Europa digl ost. Cun quell'acziun savein nus purtar in grond sustegn e ventira el trest mintgadi. Dar giu tochen ils **17-11-2018** el «Café Goldmann», Mustér. Dapli infos el café ni sut www.weihnachtspäckli.ch



Aktion Weihnachtspäckli

Auch dieses Jahr sammeln wir wieder Weihnachtspäckli für bedürftige Menschen in Osteuropa. Mit dieser Aktion bringen wir eine grosse Unterstützung und Glück in den grauen Alltag. Abzugeben im «Café Goldman», Disentis, bis **17.11.2018**. Flyer mit mehr Informationen im Café oder unter www.weihnachtspäckli.ch